

四庫全書

集部

欽定四庫全書

集部

御定全唐詩錄總目

詳校官左中允臣璿五珠

主事銜臣徐以坤覆勘

總校官原任中允臣王燕緒

校對官中書臣嵇承志

謄錄監生臣蔣錦城

欽定四庫全書

御製全唐詩錄序

在昔詩教之興本性情之微導中和之旨所以感人心而美謠俗被金石而格神祇故大舜以教胄子樂正以造俊秀蓋自二帝三王之世固已然矣文武成康之際王澤洽頌聲作洋洋乎洵足以繼薰風之操並卿雲之奏也自時厥後作者彌繁孔子從而刪定之使六義彰明一經燦列錄其忠厚悱惻之辭以寓諷諭戒勉之意

天道人事胥於是乎具焉漢魏以還尤多新製體例雖
更前徽未邈至陳隋之末稍凌替矣唐之太宗致治幾
於三代之隆躬自撰著一時文人才士將相名臣咏吟
遞發藻采繽紛踵襲雅騷之迹光昭正始之音而歌行
律絕獨創兼能自邈古以來未嘗有也爰及盛唐逮乎
中晚或與運會為高下而凡緣時託志觸物攄懷形諸
翰簡者皆卓然成一家之言弗可廢也朕萬幾餘間迴
環覽詠尋其指歸晰其正變而三百年升降得失之故

亦因以可考焉於是論世觀人即其章句攬其菁英勒
為成書置諸几席每勤披閱加以精研迄於今已歷有
年所矣頃以視河南巡至於江浙見比閭士庶有吹豳
擊壤之風獻詩頌者絡繹於途雖其工拙淺深各極其
不齊之致而嚮謳巷舞儼然省方之所采列國之所陳
亦可見人情之愛戴而先王以詩為教之義濡染而蒸
陶之者所關甚鉅也翰林侍讀徐倬以全唐詩錄進展
卷而讀之與朕平時品第者蓋有合焉嘉其耄年好學

遷秩禮部侍郎以為天下學者之勸乃取茲集親為鑒
定賜以帑金即命校刊俾誦習者由全唐之詩沿波討
瀾以上溯夫汾泗之傳而游泳乎唐虞載賡之盛其於
化理人心將大有裨益也矣是為序以弁其端云康熙
四十五年三月初七日

欽定四庫全書

集部八

御定全唐詩錄總目

總集類

卷一

太宗皇帝

古體詩二十八首近體詩四十九首

高宗皇帝

古體詩二首

中宗皇帝

近體詩二首

附聯句詩二首

明皇帝

古體詩二首近體詩十七首

德宗皇帝

古體詩八首近體詩一首

文宗皇帝 近體詩三首

宣宗皇帝 近體詩一首

長孫皇后 近體詩一首

徐賢妃 古體詩二首

江妃 近體詩一首

卷二

虞世南 古體詩三首 近體詩二首

魏徵 古體詩二首

褚亮

近體詩一首

王績

古體詩十一首近體詩五首

上官儀

古體詩二首近體詩五首

劉希夷

古體詩十九首近體詩四首

喬知之

古體詩六首

楊師道

古體詩一首近體詩五首

馬周

近體詩一首

杜淹

近體詩一首

謝偃

近體詩一首

李百藥

古體詩二首近體詩四首

許敬宗

近體詩二首

李義府

近體詩一首

盧藏用

近體詩一首

卷三

蘇味道

近體詩三首

李嶠

古體詩三首近體詩二十五首

王適

古體詩一首近體詩一首

薛稷

古體詩一首近體詩一首

崔液

古體詩一首近體詩四首

長孫正隱

近體詩二首

李適

古體詩一首近體詩八首

許景先

古體詩一首近體詩一首

于季子

近體詩一首

劉允濟

近體詩一首

韋承慶

古體詩一首 近體詩二首

韋嗣立

近體詩三首

東方虬

近體詩三首

張柬之

近體詩一首

陳嘉言

近體詩一首

卷四

王勃

古體詩六首 近體詩十六首

楊炯

古體詩三首 近體詩十三首

盧照隣

古體詩九首近體詩十一首

駱賓王

古體詩三首近體詩十七首

卷五

陳子昂

古體詩四十九首近體詩十七首

杜審言

近體詩二十五首

卷六

沈佺期

古體詩十二首近體詩四十六首

宋之問

古體詩二十一首近體詩四十一首

卷七

李元紘

近體詩二首

徐安貞

近體詩七首

齊澣

古體詩一首

常理

近體詩一首

邢象玉

古體詩一首

徐彥伯

古體詩五首
近體詩二首

郭元振

古體詩十一首
近體詩一首

劉禕之

近體詩一首

鄭愔

近體詩二首

馬懷素

近體詩二首

趙冬曦

古體詩一首 近體詩五首

盧從愿

近體詩一首

盧鴻

古體詩十首

卷八

張說

古體詩十九首 近體詩四十九首

蘇頌

古體詩一首近體詩二十二首

卷九

張九齡

古體詩二十七首近體詩二十八首

孫逖

古體詩二首近體詩十四首

王翰

古體詩二首近體詩四首

李乂

近體詩六首

樓穎

古體詩一首近體詩四首

卷十

張敬忠

近體詩一首

姚崇

近體詩一首

李邕

近體詩一首

李景伯

近體詩一首

賈曾

近體詩一首

袁恕已

近體詩一首

張旭

近體詩三首

賀知章

近體詩五首

張謩

古體詩一首近體詩八首

武平一

古體詩一首近體詩三首

閻朝隱

古體詩一首近體詩一首

盧僎

古體詩一首近體詩四首

韋元旦

近體詩三首

徐堅

古體詩一首

韋述

古體詩一首

宋璟

近體詩二首

王灣

古體詩一首近體詩二首

王泠然

近體詩一首

萬齊融

古體詩一首近體詩一首

李愔

近體詩一首

崔湜

古體詩一首近體詩七首

卷十一

孟浩然

古體詩二十三首近體詩六十三首

崔灝

古體詩十七首近體詩十九首

卷十二

獨孤及

古體詩十一首近體詩五首

崔國輔

古體詩十六首近體詩二首

綦母潛

古體詩二首近體詩四首

薛據

古體詩七首近體詩一首

丘為

古體詩四首近體詩三首

祖詠

古體詩二首近體詩十五首

張子容

古體詩二首近體詩六首

崔宗之

古體詩一首

盧象

古體詩七首近體詩十三首

卷十三

王維

古體詩五十二首近體詩一百七首

王縉

近體詩二首

卷十四

岑參

古體詩六十首近體詩六十四首

卷十五

高適

古體詩四十二首近體詩二十二首

李頎

古體詩三十七首近體詩十八首

裴迪

近體詩四首

陶翰

古體詩十首近體詩二首

卷十六

王昌齡

古體詩二十九首近體詩五十首

常建

古體詩三十首近體詩九首

崔曙

古體詩四首近體詩四首

卷十七

儲光義

古體詩六十一首近體詩三十六首

嚴武

古體詩一首近體詩四首

鄭虔

近體詩一首

崔成輔

近體詩一首

奚賈

近體詩一首

李康成

古體詩二首

卷十八

元結

古體詩四十一首近體詩五首

元季川

古體詩二首

劉昫

古體詩九首近體詩四首

萬楚

近體詩三首

王之渙

近體詩四首

王諲

古體詩一首近體詩二首

蕭頴士

古體詩十五首

李華

古體詩七首近體詩三首

于逖

古體詩二首

張彪

古體詩一首

趙徵明

古體詩二首

賀蘭進明

古體詩五首

李嶷

古體詩一首
近體詩四首

芮挺章

近體詩二首

卷十九

王季友

古體詩八首

張志和

古體詩五首近體詩一首

沈千運

古體詩五首

孟雲卿

古體詩六首近體詩一首

張謂

古體詩五首近體詩十五首

張巡

近體詩二首

顏真卿

古體詩三首近體詩二首

任華

古體詩三首

張若虛

古體詩一首近體詩一首

李適之
近體詩一首

蔣冽
近體詩一首

金昌緒
近體詩一首

殷遙
近體詩一首

陶峴
近體詩一首

韋建
近體詩一首

吳筠
近體詩二首

賈至
古體詩三首
近體詩十二首

卷二十

李白

古體詩九十二首

卷二十一

李白

古體詩一百九首

卷二十二

李白

古體詩六十七首

卷二十三

李白

近體詩一百六十四首

卷二十四

杜甫

古體詩四十八首

卷二十五

杜甫

古體詩九十首

卷二十六

杜甫

古體詩四十八首

卷二十七

杜甫

古體詩六十首

卷二十八

杜甫

古體詩四十四首

卷二十九

杜甫

近體詩一百七十一首

卷三十

杜甫

近體詩一百七十九首

卷三十一

杜甫

近體詩五十一首

卷三十二

杜甫

近體詩九十一首

卷三十三

杜甫

近體詩一百二十五首

卷三十四

劉長卿

古體詩五十五首近體詩八十三首

卷三十五

錢起

古體詩二十二首近體詩八十三首

卷三十六

韋應物

古體詩九十首近體詩二十三首

卷三十七

柳宗元

古體詩六十七首近體詩二十首

卷三十八

劉禹錫

古體詩五十九首

卷三十九

劉禹錫

近體詩一百十五首

卷四十

劉禹錫

近體詩一百一首

秦系

近體詩十三首

劉方平

近體詩十二首

卷四十一

郎士元

古體詩二首近體詩二十首

皇甫冉

古體詩一首近體詩三十一首

皇甫曾

古體詩二首近體詩二十首

韓翃

古體詩六首近體詩四十九首

卷四十二

盧綸

古體詩五首近體詩五十首

司空曙

古體詩三首近體詩三十四首

耿漳

近體詩十四首

李端

古體詩六首近體詩二十二首

卷四十三

顧況

古體詩二十四首近體詩三十八首

戎昱

古體詩七首 近體詩十八首

包何

近體詩三首

包佶

近體詩八首

李嘉祐

近體詩十首

常袞

近體詩二首

卷四十四

竇叔向

近體詩六首

竇常

近體詩六首

竇牟

近體詩五首

竇羣

古體詩一首近體詩一首

竇庠

古體詩一首近體詩二首

竇羣

近體詩十五首

暢當

近體詩四首

暢諸

近體詩一首

朱灣

古體詩二首近體詩六首

于鵠

古體詩三首近體詩十五首

朱放

近體詩一首

戴叔倫

古體詩九首近體詩二十七首

卷四十五

李益

古體詩八首近體詩二十七首

嚴維

近體詩十四首

裴度

近體詩二首

于良史

近體詩三首

李宣遠

近體詩一首

宋濟

近體詩二首

何扶

近體詩一首

宋邕

近體詩一首

趙光遠

近體詩三首

鮑防

古體詩一首

劉商

古體詩四首

令狐楚

近體詩十五首

長孫佐輔

古體詩八首
近體詩三首

卷四十六

韓愈

古體詩三十五首

卷四十七

韓愈

古體詩四十七首

卷四十八

韓愈

古體詩十八首附聯句詩四首

卷四十九

韓愈

古體詩二十三首近體詩四十九首

卷五十

孟郊

古體詩一百十八首近體詩二首

卷五十一

李賀

古體詩六十二首近體詩三十九首

卷五十二

盧仝

古體詩九首近體詩四首附韓愈倣

玉川子月蝕詩一首

劉叉

古體詩五首近體詩五首

賈島

古體詩十一首近體詩四十八首

卷五十三

楊巨源

古體詩四首近體詩四十三首

李約

古體詩一首近體詩六首

劉言史

古體詩三首近體詩九首

李觀

古體詩一首

李翱

近體詩二首

崔立之

近體詩一首

皇甫湜

古體詩一首

卷五十四

張籍

古體詩五十八首近體詩八十五首

卷五十五

王建

古體詩四十首近體詩四十九首

卷五十六

王建

近體詩一百三十二首

歐陽詹

古體詩十四首近體詩十二首

柳淡

近體詩五首

張繼

近體詩六首

張南史

近體詩三首

蘓渙

古體詩四首

鄭常

近體詩一首

卷五十七

權德輿

古體詩九首近體詩二十八首

武元衡

古體詩六首近體詩四十三首

羊士諤

古體詩二首近體詩九首

張碧

古體詩四首

卷五十八

白居易

古體詩四十三首

卷五十九

白居易

古體詩四十六首

卷六十

白居易

古體詩六十七首

卷六十一

白居易

古體詩五十三首

卷六十二

白居易

古體詩三十四首

卷六十三

白居易

近體詩一百二十二首

卷六十四

白居易

近體詩一百三首

卷六十五

白居易

近體詩一百十首

附

九老會詩七首

卷六十六

元稹

古體詩二十首

卷六十七

元稹

近體詩八十一首

卷六十八

呂溫

古體詩八首
近體詩八首

鮑溶

古體詩十三首近體詩十五首

張仲素

近體詩十一首

段文昌

近體詩二首

嚴休復

近體詩二首

李涉

古體詩八首近體詩八首

卷六十九

李紳

古體詩九首近體詩十四首

施肩吾

古體詩二首近體詩四十五首

殷堯藩

近體詩二十四首

卷七十

張祐

古體詩三首近體詩七十七首

徐凝

近體詩二十首

楊凝

近體詩三首

楊衡

古體詩一首

費冠卿

近體詩二首

沈亞之

古體詩一首近體詩二首

蔣防

近體詩一首

熊孺登

近體詩三首

于武陵

近體詩六首

卷七十一

李德裕

古體詩十首近體詩二十五首

牛僧孺

近體詩三首

王涯

近體詩四十五首

舒元興

古體詩二首近體詩一首

章孝標

近體詩九首

李廓

古體詩二首近體詩十五首

周賀

近體詩二十四首

卷七十二

姚合

古體詩八首近體詩一百三十一首

朱慶餘

近體詩二十八首

卷七十三

杜牧

古體詩十六首近體詩二十一首

卷七十四

杜牧

近體詩八十八首

附聯句詩一首

卷七十五

李商隱

古體詩二十八首

卷七十六

李商隱

近體詩七十六首

卷七十七

李商隱

近體詩一百五十四首

卷七十八

溫庭筠

古體詩四十八首

卷七十九

溫庭筠

近體詩八十一首

卷八十

許渾

近體詩九十九首

喻鳧

近體詩二首

卷八十一

雍陶 古體詩一首近體詩二十三首

馬戴 近體詩二十七首

薛逢 古體詩二首近體詩十一首

李遠 近體詩八首

劉得仁 近體詩十首

卷八十二

項斯 近體詩三十首

趙嘏 古體詩一首近體詩四十二首

欽定四庫全書

御定全唐詩錄
總目

五

薛能 近體詩三十九首

卷八十三

司空圖 古體詩四首近體詩八十七首

許棠 近體詩九首

曹鄴 古體詩二十一首近體詩三十一首

卷八十四

李群玉 古體詩二十首近體詩二十四首

劉駕 古體詩三十六首近體詩四首

段成式 近體詩十一首

卷八十五

陸龜蒙 古體詩六十二首

卷八十六

陸龜蒙 近體詩七十八首

卷八十七

皮日休 古體詩四十六首
附聯句詩三首

卷八十八

欽定四庫全書

御定全唐詩錄
總目

五

皮日休 近體詩六十七首

鄭嵎 古體詩一首

劉滄 近體詩十八首

于濆 古體詩八首

聶夷中 古體詩十四首

卷八十九

杜荀鶴 近體詩二十九首

孫棨 近體詩二首

雍陶

古體詩一首近體詩二十三首

馬戴

近體詩二十七首

薛逢

古體詩二首近體詩十一首

李遠

近體詩八首

劉得仁

近體詩十首

卷八十二

項斯

近體詩三十首

趙嘏

古體詩一首近體詩四十二首

薛能

近體詩三十九首

卷八十三

司空圖

古體詩四首近體詩八十七首

許棠

近體詩九首

曹鄴

古體詩二十一首近體詩三十一首

卷八十四

李群玉

古體詩二十首近體詩二十四首

劉駕

古體詩三十六首近體詩四首

段成式

近體詩十一首

卷八十五

陸龜蒙

古體詩六十二首

卷八十六

陸龜蒙

近體詩七十八首

卷八十七

皮日休

古體詩四十六首

附聯句詩三首

卷八十八

皮日休

近體詩六十七首

鄭嵎

古體詩一首

劉滄

近體詩十八首

于濆

古體詩八首

聶夷中

古體詩十四首

卷八十九

杜荀鶴

近體詩二十九首

孫棨

近體詩二首

雍陶

古體詩一首近體詩二十三首

馬戴

近體詩二十七首

薛逢

古體詩二首近體詩十一首

李遠

近體詩八首

劉得仁

近體詩十首

卷八十二

項斯

近體詩三十首

趙嘏

古體詩一首近體詩四十二首

薛能

近體詩三十九首

卷八十三

司空圖

古體詩四首近體詩八十七首

許棠

近體詩九首

曹鄴

古體詩二十一首近體詩三十一首

卷八十四

李群玉

古體詩二十首近體詩二十四首

劉駕

古體詩三十六首近體詩四首

段成式

近體詩十一首

卷八十五

陸龜蒙

古體詩六十二首

卷八十六

陸龜蒙

近體詩七十八首

卷八十七

皮日休

古體詩四十六首

附聯句詩三首

卷八十八

皮日休

近體詩六十七首

鄭嵎

古體詩一首

劉滄

近體詩十八首

于濆

古體詩八首

聶夷中

古體詩十四首

卷八十九

杜荀鶴

近體詩二十九首

孫棨

近體詩二首

崔珏

古體詩二首近體詩八首

李頻

近體詩十五首

陳陶

古體詩六首近體詩九首

李咸用

古體詩四首近體詩十八首

李山甫

近體詩十六首

卷九十

方干

近體詩四十三首

李昌符

近體詩四首

來鵬

近體詩二首

王遵

近體詩二首

胡曾

近體詩二十首

唐彥謙

近體詩七首

高駢

近體詩八首

顧雲

古體詩一首

章碣

近體詩三首

崔塗

近體詩十首

李郢

古體詩一首近體詩七首

鄭畋

近體詩一首

卷九十一

羅隱

古體詩四首近體詩五十七首

鄭谷

近體詩三十八首

張喬

近體詩十六首

邵謁

古體詩六首

卷九十二

吳融

古體詩三首近體詩八十二首

羅鄴

近體詩三十首

卷九十三

韓偓

古體詩六首近體詩六十八首又香

奩集古體詩四首近體詩

卷九十四

韋莊

古體詩八首近體詩一百五十四首

路德延

近體詩一首

羅虬

近體詩十首

卷九十五

李洞

近體詩四十九首

曹唐

近體詩八十首

卷九十六

張翥

近體詩二十八首

歐陽炯

古體詩二首

李中

近體詩十七首

牛嶠

近體詩五首

卷九十七

黃滔

古體詩一首近體詩十三首

周朴

近體詩十首

孟賓于

近體詩三首

張泌

古體詩二首近體十四首

于鄴

近體詩二首

陸希聲

近體詩一首

高蟾

近體詩四首

錢珣

近體詩四首

王駕

近體詩四首

王貞白

近體詩七首

王穀

古體詩一首

曹松

近體詩八首

裴說

古體詩一首近體詩五首

任翻

古體詩一首近體詩四首

鄭渠

近體詩九首

卷九十八

以下方
外詩

皎然

古體詩二十一首近體詩二十四首

靈一

古體詩五首近體詩十八首

靈徹

近體詩一首

法振

近體詩四首

法照

近體詩二首

太易

近體詩一首

惟審

近體詩一首

無本

近體詩一首

金地藏

近體詩一首

子蘭

古體詩三首
近體詩一首

護國

古體詩一首

應物

近體詩二首

可朋

近體詩一首

法宣

近體詩二首

慧宣

古體詩一首

辨才

近體詩一首

虛中

近體詩五首

貫休

古體詩五首近體詩九首

尚顏

近體詩一首

棲白

近體詩一首

無可

近體詩八首

清江

近體詩一首

齊已

古體詩一首近體詩十首

棲蟾

近體詩二首

清塞

近體詩十一首

無悶

近體詩二首

文益

近體詩一首

修睦

近體詩八首

景雲

近體詩二首

棲一

近體詩一首

處默

近體詩三首

澹交

近體詩一首

若虛

近體詩一首

曇域

近體詩一首

懷浦

近體詩一首

慕幽

近體詩三首

卷九十九

以下宮
閨詩

上官昭容

近體詩九首

宋若照

近體詩一首

宋若憲

近體詩一首

宋若筍

近體詩一首

開元宮人

近體詩二首

天寶宮人

近體詩二首

宣宗宮人

韓氏

近體詩二首

鮑君徽

古體詩一首 近體詩一首

金德真

古體詩一首

七歲女子

近體詩一首

趙氏

古體詩一首

林氏

近體詩一首

楊容華

近體詩一首

張夫人

古體詩二首

張文姬

近體詩四首

蔣蘊

古體詩一首

郎大家

宋氏

古體詩三首

侯氏

近體詩一首

魏氏

古體詩一首

王韞秀

近體詩三首

杜羔妻

趙氏

古體詩一首 近體詩四首

裴柔之

近體詩一首

孫氏

近體詩一首

崔公達

近體詩一首

長孫佐

輔妻

古體詩一首

劉元載妻 近體詩一首

陳玉蘭 近體詩一首

慎三史 近體詩一首

葛亞兒 近體詩三首

楊德麟 近體詩一首

張氏 近體詩二首

裴羽仙 古體詩一首

張琰 古體詩二首

劉雲

古體詩二首

劉瑤

古體詩二首

劉瑗

近體詩二首

李弄玉

近體詩二首

薛瑗

近體詩一首

廉氏

古體詩二首近體詩二首

崔萱

古體詩一首近體詩一首

劉氏婦

近體詩一首

程長文

古體詩一首

關盼盼

近體詩四首

張窈窕

近體詩一首

湘驛女子

近體詩一首

夷陵女子

古體詩二首

崔仲容

近體詩二首

梁瓊

古體詩一首 近體詩一首

尼海印

近體詩一首

元淳

近體詩一首

李冶

古體詩三首近體詩九首

魚玄機

近體詩二十七首

附聯句詩一首

步非烟

近體詩二首

姚月華

古體詩四首

劉采春

近體詩五首

薛濤

近體二十八首

杜秋娘

古體詩一首

周德華

近體詩一首

盛小叢

近體詩一首

章臺柳

古體詩一首

妓常浩

古體詩一首

徐月英

近體詩一首

王蘇蘇

近體詩一首

平康妓

近體詩一首

武昌妓

近體詩一首

故臺城妓 近體詩一首

卷一百

以下神仙詩
不分古近體

太上隱者 詩一首

許宣平 詩三首

古丈夫 詩一首

毛女 詩一首

鍾離權 詩二首

呂巖 詩六首

許碯

詩一首

譚峭

詩一首

沈廷瑞

詩一首

許堅

詩一首

伊用昌

詩一首

紫微孫處士

詩一首

裴航

詩一首

樊夫人

詩一首

吳彩鸞

詩一首

慈恩塔院女仙

詩二首

郎子神

詩一首

清遠道士

詩一首

夢中美人

詩一首

碧衣女子

詩一首

殷七七

詩一首

李真

詩一首

崔常侍

詩一首

西鄙人

詩一首

無名氏

古體詩十五首近體詩二十首

臣等謹案全唐詩錄一百卷

國朝徐倬編倬字方虎號蘋村德清人康熙癸

丑進士官至禮部侍郎是編以唐詩卷帙浩

繁乃採擷菁華輯為一集每人各附小傳又

間附詩話詩評以備考證康熙丙戌恭逢

聖祖仁皇帝聖駕南巡倬繕錄進

呈得

旨嘉獎

特由侍讀擢禮部侍郎以旌好學併

御製序文

賜帑金刊板儒臣榮遇至今傳焉謹案

御定全唐詩用胡震亨統籤之例或分體或不分體

各因諸家原集以存其舊倬是編惟仙鬼之

詩仍不分體餘皆以古體近體分編全唐詩
以上官昭容宋若昭姊妹列帝王之後倬則
以長孫皇后徐賢妃江采蘋附于帝王而以
上官昭容等別入宮閨又聯句隨人類附不
另為門韓愈效玉川子月蝕詩不入愈本集
而附于盧仝詩下香山九老詩不人自列名
而附于白居易詩下體例與全唐詩亦殊蓋
全唐詩編纂成書在康熙四十六年丁亥倬

是書則先一年成雖以全唐詩錄為名實尚未見

頒行之本故編次稍有異同云乾隆四十三年十月
恭校上

總纂官

臣紀昀臣陸錫熊臣孫士毅

總校官

臣陸費墀



--	--	--	--	--	--	--	--

欽定四庫全書

集部

御定全唐詩錄卷一

詳校官左中允_臣瑋五珠

主事銜_臣徐以坤覆勘

總校官原任_臣王燕緒

校對官中書_臣嵇承志

謄錄監生_臣蔣錦城

欽定四庫全書

御定全唐詩錄卷一

太宗

帝姓李氏諱世民高祖第二子高祖起義兵拜右
領大都督封煥煌郡公徙封趙國公高祖受禪拜
尚書令右武侯大將軍進封秦王海內漸平乃銳
意經籍開文學館以待四方之士杜如晦等十有
八人為學士與之討論雖受高祖傳位實首開創

之主

唐詩品云文皇生更隋代蚤事藝文習氣既閑神
標復秀故綺發天葩輝揚內藻聲音之本不徒然
矣及乎大業成就神氣充揚延攬英賢流徽四座
其遊幸諸作宮徵鏗然六朝浮靡之習一變而唐
雖綺麗鮮錯而雅道立矣其為一代之祖又何疑
焉

古體詩

帝京篇

秦川雄帝宅，函谷壯皇居。
綺殿千尋起，離宮百雉連。
連甍遙接漢，飛閣迴凌虛。
雲日隱層闕，風煙出綺疏。

巖廊罷機務，崇文聊駐輦。
玉匣啓龍圖，金繩披鳳篆。
韋編斷仍續，縹帙舒還卷。
對此乃淹留，歎案觀墳典。

移步出詞林，停輿欣武宴。
琬弓寫明月，駿馬疑流電。
驚鴈落虛弦，啼猿悲急箭。
閱賞誠多美，於茲乃忘倦。

鳴笳臨樂館，眺聽歡芳節。
急管韻朱弦，清歌凝白雪。
彩

鳳肅來儀玄鶴紛成列去茲鄭衛聲雅音方可悅

芳辰追逸趣禁苑信多奇橋形通漢上峯勢接雲危烟
霞交隱映花鳥自參差何如肆轍跡萬里賞瑤池

飛蓋去芳園蘭橈遊翠渚萍間日彩亂荷處香風舉桂
楫滿中川弦歌振長嶼豈必汾河曲方為歡宴所

落日雙闕昏迴輿九重暮長烟散初碧皎月澄輕素寥
幌玩琴書開軒引雲霧斜漢耿層閣清風搖玉樹

歡樂難再逢芳辰良可惜玉酒泛雲壘蘭肴陳綺席千

鍾合堯禹百獸諧金石得志重寸陰忘懷輕尺璧

建章歡賞夕二八盡妖妍羅綺昭陽殿芬芳璫玳筵珮
移星正動扇掩月初圓無勞上懸圃即此對神仙

以茲遊觀極悠然獨長想披卷覽前蹤撫躬尋既往望
古茅茨約瞻今蘭殿廣人道惡高危虛心戒盈蕩奉天
竭誠敬臨民思惠養納善察忠諫明科慎刑賞六五誠
難繼四三非易仰庶待淳化敷方嗣云亭響

正日臨朝

條風開獻節灰律動初陽百蠻奉遐賁萬國朝未央雖
無舜禹蹟幸欣天地康車軌同八表書文混四方赫奕
儼冠蓋紛綸盛服章羽旄飛馳道鐘鼓震囂廊組練輝
霞色霜戟耀朝光晨宵懷至理終愧撫遐荒

幸武功慶善宮

壽丘惟舊跡鄴邑乃前基粵子承累聖懸弧亦在茲弱
齡逢運改提劍鬱匡時指麾八荒定懷柔萬國夷梯山
咸入款駕海亦來思單于陪武帳日逐衛文螭端宸朝

四岳無為任百司霜節明秋景輕水結水湄芸黃遍原

隰禾穎積京畿共樂還鄉宴歡比大風詩

紀事云貞觀六年九月帝

幸慶善宮帝生時故宅也因宴代臣賞賜閭里同漢沛
宛帝歡甚賦詩起居郎呂才請平宮商被之管絃命曰
功成慶善樂使童子八佾為九功
之舞大宴會與破陣樂偕奏於庭

經破薛舉戰地

昔年懷壯氣提戈初仗節心隨朗日高志與秋霜潔移
鋒驚電起轉戰長河決營碎落星沈陣卷橫雲裂一揮
氛沴靜再舉鯨鯢滅於茲俯舊原屬目駐華軒沈沙無

故迹滅竈有殘痕浪霞穿水淨峰霧抱蓮昏世途亟流
易人事殊今昔長想眺前蹤撫躬聊自適

於北平作

翠野駐戎軒盧龍轉征旆遙山麗如綺長流縈似帶海
氣百重樓巖松千丈蓋茲焉可遊賞何必襄城外

春日玄武門宴羣臣

韶光開令序淑氣動芳年駐輦華林側高宴柏梁前紫
庭文珮滿丹墀袞紱連九夷筵瑤席五狄列瓊筵娛賓

歌湛露廣樂奏鈞天清樽浮綠醕雅曲韻朱絃粵余君
萬國還慙撫八埏庶幾保貞固虛已厲求賢

飲馬長城窟行

塞外悲風切交河水已結瀚海百重波陰山千里雪迴
戍危烽火層巒引高節悠悠卷旆旌飲馬出長城寒沙
連騎跡朔吹斷邊聲邊塵清玉塞羌笛韻金鉦絕漠干
戈戰車徒振原隰都尉反龍堆將軍旋馬邑揚麾氛霧
靜紀石功名立荒裔一戎衣靈臺凱歌入

元日

高軒暖春色邃閣媚朝光彤庭飛綵旆翠幌曜明璫恭
已臨四極垂衣馭八荒霜戟列丹陛絲竹韻長廊穆矣
薰風茂康哉帝道昌繼文遵後軌循古鑒前王草秀故
春色梅豔昔年妝巨川思欲濟終以寄舟航

初春登樓即目觀作述懷

憑軒俯蘭閣眺矚散靈襟綺峯含翠霧霧照日蕊紅林鏤
丹霞鋪岫殘素雪斑岑拂浪隄垂柳嬌花鳥續吟連薨

豈一拱衆榦如千尋明非獨材力終藉棟梁深彌懷於
樂志更懼戒盈心愧制勞居逸方規十產金

初晴落景

晚霞聊自怡初晴彌可喜日晃百花色風動千林翠池
魚躍不同園鳥聲還異寄言博通者知予物外志

賦得夏首啓節

北闕三春晚南榮九夏初黃鶯哢漸變翠林花落餘瀑
流還響谷猿啼自應虛早荷向心卷長楊就影舒此時

歡不極調軫坐相於

度秋

夏律昨留灰秋箭今移晷峨岷岫初出洞庭波漸起桂
白發幽巖菊黃開灞溪運流方可歎含毫屬微理

秋日即事

爽氣浮丹闕秋光澹紫宮衣碎荷疎影花明菊點叢袍
輕低草露蓋側舞松風散岫飄雲葉迷路飛煙鴻砌冷
蘭凋佩閨寒樹殞桐別鶴棲琴裏離猿啼峽中落野飛

星箭弦虛半月弓芳菲夕霧起暮色滿房櫳

山閣晚秋

山亭秋色滿巖牖涼風度疎蘭尚染烟殘菊猶承露古
石衣新苔新巢封古樹歷覽情無極咫尺輪光暮

秋暮言志

朝光浮燒野霜華淨碧空結浪水初鏡在逕菊方叢約
嶺煙深翠分旗霞散紅抽思滋泉側飛想傳巖中已獲
千箱慶何以繼薰風

喜雪

碧昏朝合霧丹卷暝韜霞結葉繁雲色凝瑤遍雪華光
樓皎若粉映幕集疑沙泛柳飛飛絮妝梅片片花照壁
臺圓月飄珠箔穿露瑤潔短長階玉聚高下樹映桐珪
累白縈峰蓮抱素斷續氣將沈徘徊歲云暮懷珍愧隱
德表瑞佇豐年蕊間飛禁苑鶴處舞伊川儻詠幽蘭曲
同歡黃竹篇

秋日數庾信體

嶺銜宵月桂珠穿曉露叢蟬啼覺樹冷螢火不溫風花
生圓菊葢荷盡戲魚通晨浦鳴飛鴈夕渚集棲鴻颯颯
高天吹氛澄下熾空

謁慈恩寺題奘法師房

停軒觀福殿遊目眺皇畿法輪舍日轉花蓋接雲飛翠
烟香綺閣丹霞光寶衣幡蛇遙合彩空外迴分暉蕭然
登十地自得會三歸

望送魏徵葬

欽定四庫全書

御定全唐詩錄

閭闔總金鞍上林移玉輦野郊愴新別河橋非舊餞慘
日陝峯沈愁雲隨蓋轉哀笳時斷續悲旌乍舒卷望望
情何極浪浪淚空泣無復昔時人芳春共誰遣

近體詩

過舊宅

新豐停翠輦譙邑駐鳴笳園荒一徑斷苔古半階斜前
池消舊水昔樹發今花一朝辭此地四海遂為家

首春

寒隨窮律變春逐鳥聲開
初風飄帶柳晚雪間花梅碧
林青舊竹綠沼翠新苔芝田初鴈去綺樹未鶯來

月晦

晦魄移中律凝暄起麗城
罩雲朝蓋上穿露曉珠呈
笑樹花分色啼枝鳥合聲
披襟歡眺望極目暢春情

初秋夜坐

斜廊連綺閣初月照宵幃
塞冷鴻飛疾園秋蟬噪遲
露結林疎葉寒輕菊吐滋
愁心逢此節長歎獨含悲

秋日

菊散金風起荷疎玉露圓將秋數行雁離夏幾林蟬雲
凝愁半嶺霞碎纈高天還似成都望直見峨眉前
爽氣澄蘭沼秋風動桂林露凝千片玉菊散一叢金日
岫高低影雲空點綴陰蓬瀛不可望泉石且娛心

冬日臨昆明池

石鯨分玉溜劫燼隱平沙柳影冰無葉梅心凍有花寒
野凝朝霧霜天散夕霞歡情猶未極落景遽西斜

望雪

凍雲宵徧嶺素雪曉凝華
入牖千重碎迎風一半斜
不妝空散粉無樹獨飄花
縈空慙夕照破彩謝晨霞

守歲

暮景斜芳殿年華麗綺宮
寒辭去冬雪暖帶入春風
階馥舒梅素盤花卷燭紅
共歡新故歲迎送一宵中

除夜

歲陰窮暮紀獻節啓新芳
冬盡今宵促年開明日長
永

金史卷一百一十五
卷一
消出鏡水梅散入風香對此歡終燕傾壺待曙光

置酒坐飛閣

高軒臨碧渚飛簷迴架空餘花攢鏤檻殘柳散雕櫳岸
菊初含蕊園梨始帶紅莫慮崑山暗還共盡杯中

三層閣上置音聲

綺筵移暮景紫閣引宵烟隔棟歌塵合分階舞影連聲
流三處管響亂一重絃不似秦樓上吹簫空學仙

遠山澄碧霧

殘雲收翠嶺夕霧結長空帶岫凝全碧障霞隱半紅
髣髴分初月飄飄度曉風還因三里處冠蓋遠相通

賦得含峯雲

翠樓含曉霧蓮峯帶晚雲玉葉依巖聚金枝觸石橫
天結陣影逐吹起羅文非復陽臺下空將惑楚君

詠風

蕭條起關塞搖颺下蓬瀛拂林花亂彩響谷鳥分聲披
雲羅影散泛水織文生勞歌大風曲威加四海清

詠雨

和風吹綠野梅雨灑芳田
新流添舊澗宿霧足朝烟
雁濕行無次花霑色更鮮
對此欣登歲披襟弄五弦

詠雪

潔野凝晨曜裝墀帶夕暉
集條分樹玉拂浪影泉璣
色灑妝臺粉花飄綺席衣
入扇縈離匣點素皎殘機

賦得花庭霧

蘭氣已薰宮新葢半妝叢
色含輕重霧香引去來風
拂

樹濃舒碧紫花薄蔽紅還當雜行雨髣髴隱遙空

春池柳

年柳變池臺隋堤曲直迴逐浪分陰去迎風帶影來疎
黃一鳥呀半翠幾眉開紫雪臨春岸參差間早梅

芳蘭

春暉開紫苑淑景媚蘭場映庭含淺色凝露泣浮光日
麗參差影風傳輕重香會須君子折佩裏作芬芳

詠桃

禁苑春暉麗花蹊綺樹粧綴條深淺色點露參差光向
日分千笑迎風共一香如何仙嶺側獨秀隱遙芳

賦得櫻桃

華林滿芳景洛陽遍陽春朱顏含遠日翠色影長津喬
柯轉嬌鳥低枝映美人昔作園中實今為席上珍

賦得殘菊

階蘭凝曙霜岸菊照晨光露濃晞曉笑風勁淺殘香細
葉凋輕翠圓花飛碎黃還持今歲色復結後年芳

詠烏代陳師道

凌晨麗城去薄暮上林棲
辭枝枝暫起停樹樹還低
向日終難托迎風詎肯迷
只待纖纖手曲裏作宵啼

賦得浮橋

岸曲非千里橋斜異七星
暫低逢輦度還高值浪驚
水搖文鷁動纜轉錦花縈
遠近隨輪影輕重應人行

賦簾

參差垂玉闕舒卷映蘭宮
珠光搖素月竹影亂清風
彩

金史卷一百一十五
卷一
散銀鈎上文斜桂戶中唯當雜羅綺相與媚房櫳

過舊宅

金輿巡白水玉輦駐新豐
紐落藤披架花殘菊破叢
葉鋪荒草蔓流竭半池空
紉珮蘭凋徑舒圭葉剪桐
昔地一番內今宅九圍中
架海波澄鏡韜戈器反農
八表文同軌無勞歌大風

還陝述懷

慨然撫長劍濟世豈邀名
星旗紛雷舉日羽肅天行
徧

野屯萬騎臨原駐五營登山麾武節背水縱神兵在昔
戎戈動今來宇宙平

入潼關

峻函稱地險襟帶壯兩京霜峰直臨道冰河曲繞城古
木參差影寒猿斷續聲冠蓋往來合風塵朝夕驚高談
先馬度偽曉預雞鳴棄繻懷遠志封泥負壯情別有真
人氣安知名不名

春日登陝州城樓俯眺原野迴丹碧綴烟霞密翠

斑紅芳菲花柳即目川岫聊以命篇

碧原開霧隰綺嶺峻霞城烟峯高下翠日浪淺深明斑
紅粧蕊樹圓青壓溜荆迹巖勞傳想窺野訪莘情巨川
何以濟舟楫佇時英

出獵

楚王雲夢澤漢帝長楊宮豈若因農暇閱武出轅嵩三
驅陳銳卒七萃列材雄寒夜霜氛白平原燒火紅琯戈
夏服箭羽騎綠沈弓怖獸潛幽壑驚禽散翠空長烟晦

落景灌木振嚴風所為除民瘼非是悅林叢

宴中山

驅馬出遼陽萬里轉旂常對敵六奇舉臨戎八陣張
斬鯨澄碧海卷霧掃扶桑昔去蘭綦翠今來桂染芳
雲枝浮碎葉冰鏡上朝光回首長安道方懽宴栢梁

賦秋日懸清光賜房玄齡

秋露凝高掌朝光上翠微參差麗雙闕照耀滿重闌
仙馭隨輪轉靈鳥帶影飛臨波無定彩入隙有圓暉
還當

金定四庫全書
卷一
葵藿志傾葉自相依

春日望海

披襟眺滄海憑軾玩春芳積流橫地紀疏派引天潢仙
氣凝三嶺和風扇八荒拂潮雲布色穿浪日舒光照岸
花分彩迷雲雁斷行懷卑運深廣持滿守靈長有形非
易測無源詎可量洪濤經變野翠島屢成桑之思漢
帝碣石想秦皇霓裳非本意端拱且圖王

初夏

一朝春夏改，隔夜鳥花遷。
陰陽深淺葉，曉夕重輕烟。
呀鶯猶響殿，橫絲正網天。
珮高蘭影接，綬細草紋連。
碧鱗驚棹側，玄燕舞簷前。
何必汾陽處，始復有山泉。

謁并州興國寺

迴鑾遊福地，極目玩芳晨。
梵鐘交二響，法日轉雙輪。
寶刹遙承露，天花近足春。
未佩蘭猶小，無絲柳尚新。
圓光低月殿，碎影亂風筠。
對此留餘想，超然離俗塵。

採芙蓉

結伴戲方塘攜手上雕航船移分細浪風散動浮香遊
鶯無定曲驚鳬有亂行蓮稀釧聲斷水廣棹歌長棲鳥
還密樹泛流歸建章

餞中書侍郎來濟

曖曖去塵昏灞岸飛飛輕蓋指河梁雲峯衣結千重葉
雪岫花開幾樹妝深悲黃鶴孤舟遠獨歎青山別路長
聊將分袂沾巾淚還用持添離席觴

詠燭

焰聽風來動花開不待春鎮下千行淚非是為思人
九龍蟠焰動四照逐花生即此流高殿堪持代月明

詠弓

上弦明月半激箭流星遠落雁帶書驚啼猿應枝轉

賦得臨池柳

岸曲絲陰聚波移帶影疎還將眉裏翠來就鏡中舒

賦得臨池竹

貞條障曲砌翠葉貫寒霜拂牖分龍影臨池待鳳翔

賦得弱柳鳴秋蟬

散影玉階柳含翠
隱鳴蟬微形藏葉裏
亂響出風前

探得李

盤根直盈渚交榦橫倚天舒華光四海卷葉陰三川

按李

為國姓故
詠及此

詠小山

近谷交縈蘂遙峯對出蓮
徑細無全磴松小未含烟

賜房玄齡

太液仙舟迴西園
隱上才未曉征車度
雞鳴關早開
於太原召侍臣賜宴守歲

四時運灰琯一夕變
冬春送寒餘雪盡
迎歲早梅新
遼東山夜臨秋

烟生遙岫隱月落半崖陰
連山驚鳥亂隔岫斷猿吟

高宗

帝諱治太宗第九子

古體詩

過溫湯

溫渚停仙蹕，豐郊駐曉旌。
路曲迴輪影，巖虛傳漏聲。
暖溜驚湍駛，寒空碧霧輕。
林黃疎葉下，野白曙霜明。
眺聽良無已，烟霞斷續生。

九月九日

端居臨玉宸，初律啓金商。
鳳闕澄秋色，龍闈引夕涼。
野靜山氣斂，林疎風露長。
砌蘭虧半影，巖桂發全香。
滿蓋荷凋翠，圓花菊散黃。
揮鞭爭電烈，飛羽亂星光。
柳空穿

石碎弦虛側月張怯猿啼落岫驚雁斷分行斜輪低夕
景歸旆擁通莊

中宗

帝諱顯高宗第七子

紀事云景龍中於修文館置大學士四員學士八
員直學士十二員象四時八節十二時凡天子饗
會游豫唯宰相直學士得從春幸梨園並渭水祓
除則賜細柳園辟惡夏宴蒲萄園賜朱櫻秋登慈

恩浮圖獻菊花酒稱壽冬幸新豐歷白鹿觀上驪
山賜浴湯池給香粉蘭澤從行給翔麟馬品官黃
衣各一帝有所感即賦詩學士皆屬和

近體詩

九月九日幸臨渭亭登高

并序

陶潛盈把既浮九醞之歡畢卓持螯須盡一生
之興人題四韻同賦五言其最後成罰之引滿
九日正乘秋三杯興已周泛桂迎樽滿吹花向酒浮長

房莢早熟彭澤菊初收何藉龍沙上方得恣淹留

紀事
云時

景龍三年是宴也韋安石蘇瓌詩
先成于經野盧懷慎最後成罰酒

立春日遊苑迎春

神臯福地三秦邑玉臺金闕九仙家寒光猶戀甘泉樹
淑景偏臨建始花綵蝶黃鶯未歌舞梅香柳色已誇
迎春正啓流霞席暫囑曦輪勿遽斜

附聯句詩

十月誕辰內殿宴羣臣效栢梁體聯句

潤色鴻業寄賢才

帝

叨居右弼愧鹽梅

李

運籌帷幄荷

時來

宗楚客

職掌圖籍溫蓬萊

劉憲

兩司謬忝謝鍾裴

崔

禮

樂銓管効涓埃

鄭

陳師振旅清九垓

趙彥昭

欣承顧問侍

天杯

李適

銜恩獻壽栢梁臺

蘇頌

黃縑青簡奉康哉

盧藏用

鯁

生侍從忝王枚

李

右掖司言實不才

馬懷素

宗伯秩禮天

地開

薛稷

帝歌難續仰昭回

宋之問

微臣捧日變寒灰遠慙

班左愧遊陪

上官婕妤

紀事云帝謂侍臣曰今天下

無事朝野多歡欲與卿等詞人時賦詩

宴樂可識朕意不須惜醉此後每遊別殿幸離宮駐
驛芳苑鳴笳仙禁或戚里宸筵王門色席無不畢從

景龍四年正月五日移仗蓬萊宮御大明殿會吐

蕃騎馬之戲因重為栢梁體聯句

大明御寓臨萬方

帝

顧慙內政翊陶唐

皇后

鸞鳴鳳舞向

平陽

長寧公主

秦樓魯館沐恩光

安樂公主

無心為子輒求郎

太平

公雄才七步謝陳王

溫王重茂

當熊讓輦愧前芳

上官昭容

再司

銓筦恩可忘

吏部侍郎崔湜

文江學海思濟航

著作郎鄭愔

萬邦考

績臣所詳

考功員外郎武平一

著作不休出中腸

著作郎閻朝隱

權豪屏

跡肅嚴霜

御史大夫竇從一

鑄鼎開嶽造明堂

將作大匠宗晉卿

玉醴

由來獻壽觴

吐蕃舍人明悉獵一宗晉卿素不屬文

紀事云時上疑寶從未即令續二人固請

許之吐蕃舍人明悉獵請令授筆與之悉獵云云上大悅賜與衣服

明皇

帝諱隆基睿宗第三子性英斷多藝尤知音律善

八分書儀範偉麗有非常之表封楚王韋后謀傾

宗社率劉幽求等誅之睿宗即位立為太子及即

位樂善好賢開元中海內富實幾致刑措天寶十

四年祿山陷京師車駕幸蜀肅宗立追尊太上皇

古體詩

賜諸州刺史以題座右

眷言思共理鑑謬想維良猗歟此推擇聲績著周行賢
能既俟進黎獻實佇康視人當如子愛人亦如傷講學
試誦論阡陌勸耕桑虛譽不可飾清知不可忘求名迹
易見安貞德自彰訟獄必以情教民貴有常恤慚且存

老撫弱復綏強勉哉各祇命知予眷萬方

開元十三年
帝自擇廷臣

為諸州刺史許景先治虢州源光裕鄭州寇泚宋州鄭
溫琦邠州袁仁恭杭州崔志廉襄州李昇期邢州鄭放

定州蔣挺湖州裴觀滄州崔誠遂州凡十一人行詔宰相諸王御史以上祖道洛濱盛供具秦太常樂帛舫水嬉賜詩令題座右且給筆紙令自賦焉

初入秦川路逢寒食

洛陽芳樹映天津
灞岸垂楊宰地新
直為經過行樂處
不知虛度兩京春
去年餘閨今春早
曙色和風著花草
可憐寒食與清明
光輝併在長安道
自從關路入秦川
爭道何人不戲鞭
公子途中妨蹴踘
佳人馬上廢鞦韆
渭水長橋今欲渡
葱葱漸見新豐樹
遠看驪岫入雲霄

預想湯池起煙霧
煙霧氛氲水殿開
暫拂香輪歸去來
今歲清明行已晚
明年寒食更相陪

近體詩

經魯祭孔子而嘆之

夫子何為者
栖栖一代中
地猶鄒氏邑
宅即魯王宮
歎鳳嗟身否
傷麟怨道窮
今看兩楹奠
當與夢時同

送賀知章歸四明

并序

天寶三載太子賓客賀知章鑒止足之分
抗歸

老之疏解組辭榮志期入道朕以其年在遲暮
用循挂冠之事俾遂赤松之遊正月五日將歸
會稽遂餞東路乃命六卿庶尹大夫供帳青門
寵行邁也豈惟崇德尚齒亦勵俗勸人無令二
疏獨光漢冊乃賦詩贈行

遺榮期入道辭老竟抽簪豈不惜賢達其如高尚心
中得秘要方外散幽襟獨有青門餞羣僚悵別深

軒遊宮十五夜

行邁離秦國巡方赴洛師路逢三五夜春色暗中闌
外長河轉宮中淑氣遲歌鐘對明月不減舊遊時

幸蜀西至劍門

劍閣橫雲峻鑾輿出狩迴翠屏千仞合丹嶂五丁開灌
木縈旗轉仙雲拂馬來乘時方在德嗟爾勒銘才

春晚宴兩相及禮官麗正殿學士探得風字

并序

朕以薄德祗膺厯數正天柱之將傾紉地維之
已絕故得承奉宗廟垂拱巖廊居海內之尊處

域中之大然後祖述堯典憲章禹績敦睦九族
會同四海猶恐烝黎未乂徭戍未安禮樂之政
虧師儒之道喪乃命使者衣繡服行郡縣因人
所利擇其可勞所以便億兆也乃命將士擐介
冑冒矢石審山川之向背應歲月之孤虛所以
靜邊陲也乃命禮官考制度稽典則序文昭武
穆享天地神祇所以申嚴潔也乃命學者繕落
簡輯遺編纂魯壁之文章綴秦坑之煨燼所以

修文教也故能使流寓返粉榆之業戎狄稱藩
屏之臣神祇歆其禋祀庠序闡其經術既家六
合時巡兩京函秦則委輸斯遠鼎邑則朝宗所
利封畿四塞從來測景之都城闕千門自昔交
風之地陰陽代謝日月相推豈可使春色虛捐
韶華並歇乃置旨酒命英賢有文苑之高才有
掖垣之良佐舉杯稱慶何樂如之同吟湛露之
篇宜振凌雲之藻於時歲在乙丑開元十三年

三月二十七日

乾道運無窮恒將人代工陰陽調厯象禮樂報玄穹介
冑清荒外衣冠佐域中言談延國輔詞賦引文雄野霽
伊川綠郊明鞏樹紅冕旒多暇景詩酒會春風

首夏花萼樓觀羣臣宴寧王山亭迴樓下又申之

以賞樂賦詩

并序

萬物莫不氣兆乎上而形視乎下鐵石異品雲
蒸並濕草木無心春來咸喜故聖人弘道先王

法天酒星主獻酬之義需卦陳飲食之象近命
羣官欣時樂宴盡九春之麗景匝三旬之暇日
暢飲桂山棹歌沁水醇以養德味以平心本將
導達陽和助成長育亦朝廷多慶軍國餘閒者
也前月之晦細風飄雨繁絃中止列席半醉佳
辰易失絕興難追良可惋也今年帶閏節候全
晚暑氣猶清芳草未歇申布雅意復敘初筵披
樂善之邸坐忘憂之觀東郊跬步南山在目足

以締夏首之新賞補春餘之墜歡朕登覽上宮
俯臨長陌暢衆心之怡虞懽歸騎之逶迤鼓之
以琴瑟侑之以筐篚衢樽意洽場藿思苗賦我
有嘉賓之詩奏君臣相悅之樂踟躕西日吟翫
乘風不知衷情發於翰墨也

今年通閏月入夏展春輝樓下風光晚城隅宴賞歸九
歌揚政要六舞散朝衣天喜時相合人和事不違禮中
推意厚樂處感心微別賞陽臺樂前旬暮雨飛

同二相已下羣官樂遊園宴

二相謂張說宋璟

巽日巖廊暇需雲宴樂初萬方朝玉帛千品會簪裾地
入南山近城分北斗餘池塘垂柳密原隰野花疎帶幕
看逾暗歌鐘聽自虛興闌歸騎轉還奏弼違書

集賢書院成送張說上集賢學士賜宴得珍字

廣學開書院崇儒引席珍集賢招袞職論道命台臣禮
樂沿今古文章革舊新獻酬樽俎列賓主位班陳節變
雲初夏時移氣尚春所希光史冊千載仰茲晨

王屋山送道士司馬承禎還天台

紫府求賢士清谿祖逸人江湖與城闕異跡且殊倫間
有幽棲者居然厭俗塵林泉先得性芝桂欲調神地道
踰稽嶺天台接海濱音徽從此間萬古一芳春

景雲元年為太

子時作

早度蒲關

鐘鼓嚴更曙山河野望通鳴鑾下蒲坂飛旆入秦中地
險關逾壯天平鎮尚雄春來津樹合月落戍樓空馬色

分朝景雞聲逐曉風所希常道泰非復候繻同

王荆公
百家選

以此篇為
開卷第一

南出雀鼠谷答張說

雷出應乾象風行順國人川途猶在晉車馬漸歸秦背
陝關山險橫汾鼓吹頻草依陽谷變花待北巖春聞有
鷓鴣客清詞雅調新求音思欲報心跡竟難陳

為趙法師別造精院過院賦詩

并序

秋九月聽政觀風存乎遊息退朝之後歷西上

陽入清虛院則法師所居之地也法師得上玄
之法養浩然之氣故法此仙家特建真宇紫房
對聳綠竹羅生既親重其人每經過其地以怡
神洗雪進德修業何必齋心累月遠在順風因
而賦詩用適其意云爾

宗師心物外為道運虛舟不戀巖泉賞來從宮禁遊探
玄知幾歲習靜更宜秋煙樹辨朝色風湍聞夜流坐朝
繁聽覽尋勝在清幽欲廣無為化因茲庶可求

左丞相說右丞相璟太子少傅乾曜同日上官命
宴東堂賜詩

赤帝收三傑黃軒舉二臣由來丞相重分掌國之鈞我
有握中璧雙飛席上珍子房推道要仲子訝風神復輟
台衡老將為調護人鷁鸞同拜日車騎擁行塵樂聚南
宮宴觴連北斗醇俾余成百揆垂拱問彝倫

早登太行山中言志

清蹕度河陽凝笳上太行火龍明烏道鐵騎繞羊腸白

霧埋陰壑丹霞助曉光
澗泉含宿凍山木帶餘霜
野老茅為屋樵人薜作裳
宣風問耆艾敦俗勸耕桑
涼德慙先哲徽猷慕昔皇
不因今展義何以冒垂堂

春中興慶宮酺宴

并序

夫抱器懷才舍仁蓄德可以坐而論道者我於
是乎闕重門以納之作扞四方折衝萬里可運
籌帷幄者我於是乎懸重祿以待之是故外無
金革之虞朝有縉紳之盛所以巖廊多暇垂拱

無為不言而海外知歸不教而寰中自肅元亨
之道其在茲乎況乎天地交而萬物通陰陽和
而四時序所寶者粟所貴者賢故以宵旰為懷
黎元在念盡力溝洫不知宮室之已卑致敬鬼
神不知飲食之斯薄往以仲冬建子南至初陽
爰詔司存式陳郊祀挹夷夏之誠請答人神之
厚睠煙歸太乙禮備上玄足以申昭報之情足
以極嚴禋之道然心融萬類歸雷雨之先春慶

洽百僚象雲天而高宴歲二月地三秦水汎汎
而龍池滿日遲遲而鳳樓曙青門左右軒庭映
梅柳之春紫陌東西帘幕動烟霞之色撞鐘伐
鼓雲起雪飛歌一聲而酒一杯舞一曲而人一
醉詩以言志思吟湛露之篇樂以忘憂慙運臨
汾之筆

九達長安道三陽別館春還將聽朝暇迴作豫遊晨不
戰要荒服無刑禮樂新合酺覃土宇歡宴接羣臣玉笋

飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觝陳曲終酣興晚須有醉歸人

送張說巡邊

端拱復垂裳長懷御遠方股肱申教義戈劍靖要荒命
將綏邊服雄圖出廟堂三台入武帳八座起文昌寶胄
匡韓主華宗輔漢王茂先慙博物平子謝文章盡節恢
時佐輸誠禦寇場三軍臨朔野駟馬即戎行鼓吹威夷
狄旌軒溢洛陽雲臺先著美今日更貽芳

巡省途次上黨舊宮賦

并序

朕昔在初九佐貳此州未遇扶搖之力空俟海
沂之詠洎大橫八兆出處斯易一揮寶劍遽履
瑤圖承厯數而順謳謠著天衣而御區夏嗟乎
向時沈默駕四馬而朝京師今日逍遙乘六龍
而問風俗爰因巡省途次舊居山川宛然人事
無間忽其昇華周遊館宇觸目依然雖迹異漢
皇而地如豐邑擊筑慷慨酌桂留連空想大風

題茲短什

三千初擊浪九萬欲搏空天地猶驚否陰陽始遇蒙存
貞期歷試佐貳佇昭融多謝時康理良慙實賴功長懷
問鼎氣夙負拔山雄不學劉琨舞先歌漢祖風英髦既
包括豪傑自牢籠人事一朝異謳歌四海同如何昔朱
邱今此作離宮雁沼澄瀾翠猿巖落照紅小山秋桂馥
長坂舊蘭叢即是淹留處乘歡樂未窮

德宗

帝諱适代宗子

紀事云帝善為詩文每與學士言詩於浴堂殿夜
分不寐幸章敬寺詩松院淨苔色竹房深磬聲時
人傳誦帝晚年詩句臣下莫及每御製奉和退而
笑曰排公俗有投石之戲兩頭置標號曰排公以
中不中為勝負也

又韋綬以內相感心疾罷還第帝九日作黃菊歌
顧左右曰安可不示韋綬遣使持往綬遽奉和附

使進帝曰為文不已豈頤養耶勅曰自今勿復爾

古體詩

中和節日宴百僚賜詩

韶華啓仲序初吉諧良辰肇茲中和節式慶天地春歡
酣朝野同生得區宇均雲開灑膏露草疏芳河津歲華
方載陽東作方肆勤慙非薰風唱曷用慰吾人

中和節賜百官讌集因示所懷

至化常在宥保和茲息人推誠撫諸夏與物長為春仲

月風景暖禁城花柳新芳時協金奏錫燕周羣臣絲竹
豈云樂忠賢唯所親庶洽朝野意曠然天下均

重陽日即事

令節曉澄霽四郊烟靄空天清白露潔菊散黃金叢
德荷天貺順時休百工豈懷歌鐘樂思為君臣同至化
在亭育相成資始終未知康衢詠所仰惟年豐

豐年多慶九日示懷

爽氣肅時令早衣聞朔鴻重陽有佳節具物欣年豐皎

潔暮潭色芬敷新菊叢芳罇滿衢室繁吹凝烟空會合
信吾道保和惟爾同推誠至元化天下期為公

重陽日中外同歡以詩言志因示羣臣

爽節在重九物華新雨餘清秋黃葉下菊散金潭初萬
寶行就稔百工歡所如歡心暢遐邇殊俗同車書至化
自敦睦佳辰宜宴胥鏘鏘間絲竹濟濟羅簪裾此樂匪
足耽此誠期永孚

七月十五日題章敬寺

招提邇皇邑，複道連重城。
法筵會早秋，駕言訪禪扃。
嘗聞大仙教，清淨宗無生。
七物匪吾寶，萬行先求成。
名相既雙寂，繁華奚所榮。
金風扇微涼，遠烟凝翠晶。
松院靜苔色，竹房深磬聲。
境幽真慮恬，道勝外物輕。
意適本非說，含毫空復情。

送徐州張建封還鎮

牧守寄所重，才賢生為時。
宣風自淮甸，授鉞膺藩維。
入覲展遐戀，臨軒慰來思。
忠誠在方寸，感激陳情詞。
報國

爾所尚恤人予是資歡宴不盡懷車馬當還期穀雨將
應候行春猶未遲勿以千里遙而云無已知

貞元後藩
帥入朝獨

建封獲
賜詩

賜宴曲江亭

并序

朕在位僅將十載實賴忠賢左右克致小康是
以擇三令節錫茲宴賞俾大夫卿士得同歡洽
也夫共其戚者同其休有其初者貴其終咨爾
羣僚順朕不暇樂而能節職思其憂咸若時則

庶乎理矣因重陽之會聊示所懷

早衣對庭燎躬化勤意誠時此萬幾暇適與佳節并曲池潔寒流芳菊舒金英乾坤爽氣澄臺殿秋光清朝野

慶年豐高會多歡聲永懷無荒誠良士同其情

詔曰卿等重陽

會宴朕想歡洽欣慰良多情發于中因製詩序令賜卿等一本可中書門下簡定文詞士三五十人應制同用清字明日內于延英門進來宰臣李泌等雖奉詔簡擇難于取舍由是百寮皆和上自考其詩以劉太真及李紆等四人為上等鮑房于邵等四人為次等張濛殷亮等二十三人為下等而李晟馬燧李泌三宰相之詩不

加考第

近體詩

九日

禁苑秋來爽氣多
昆明風動起滄波
中流簫鼓誠堪賞
詎假橫汾發棹歌

文宗

帝諱昂憲宗子

紀事云帝嘗謂左右曰
若不甲夜視事乙夜觀書
則何以為人君耶
每試進士多自出題目及所司

進所試披覽吟詠終日忘倦常延學士於內庭討論經義較量古今令宮女以下侍茶湯飲饌李訓講周易時方盛夏遂命取水玉腰帶辟暑犀如意以賜訓曰如意足以與卿為談柄也一日延英顧問宰臣詩云呦呦鹿鳴食野之苹苹是何草時宰相楊珣楊嗣復陳夷行相顧未對珣曰臣按爾雅苹是蘋蕭上曰朕看毛詩疏葉圓而花白蘋生野中似非蘋蕭又一日問宰臣古詩云輕衫襯跳脫

跳脫是何物宰臣未對上曰即今之脫釧也真詰
言安妃有斷粟金跳脫是臂飾

又常吟杜甫曲江篇云江頭宮殿鎖千門細柳新
蒲為誰綠乃知天寶以前樓臺之盛鄭注乃命神
策軍淘曲江昆明二池許公卿立亭館兩軍造紫
雲樓彩霞亭內出樓額賜之

近體詩

甘露事後

輦路生春草上林花滿枝憑高何限意無復侍臣知

上元日

上元高會集羣仙心齋何事欲祈年丹誠儻徹玉帝座
且共吾人慶大田

萱生三五葉初齊上元羽客出桃蹊不愛仙家登真訣
願蒙四海福黔黎

宣宗

帝諱忱

紀事云帝好進士及第每對朝臣問及第苟有科名對者必大喜便問所試詩賦題目并主司姓名或佳人物偶不中第必歎惜移時

又帝製秦邊陲曲其詞云海岳咸通及帝垂拱而年號咸通焉庶子裴惲進詩賀聖政有太康字帝怒曰太康失邦乃以比我戶部韋澳奏云晉平吳寇改號太康雖有失邦之言乃見歸美之文曰天子大須博覽不然幾錯罪惲

近體詩

弔白居易

綴玉聯珠六十年誰教冥路作詩仙
浮雲不繫名居易造化無為字樂天
童子解吟長恨曲胡兒能唱琵琶篇
文章已滿行人耳一度思卿一愴然

長孫皇后

后長安人隋右驍衛將軍晟之女
太宗后也每多規諫嘗著女則自為之序

近體詩

春遊曲

上苑桃花朝日明
蘭閨豔妾動春情
井上新桃偷面色
簷邊嫩柳學身輕
花中來去看舞蝶
樹上長短聽啼鶯
林下何須遠借問
出衆風流舊有名

徐賢妃

妃名惠湖州人散騎常侍堅之姑生五月能言四
歲誦論語毛詩八歲善屬文太宗納為才人遷充

容時軍旅亟動宮室互興上疏極諫太宗善其言
優賜甚厚卒贈賢妃

古體詩

賦得北方有佳人

由來稱獨立本自號傾城柳葉眉間發桃花臉上生腕
搖金釧響步轉玉環鳴纖腰宜寶祿紅衫艷織成懸知
一顧重別覺舞腰輕

進太宗詩

朝來臨鏡臺妝罷暫徘徊千金始一笑一召詎能來

江妃

妃興化人九歲能誦二南父竒之故名采蘋明皇
大見寵幸尤善屬文自比謝女性喜梅所居悉植
梅上因其好戲名梅妃妃有蕭蘭梨園梅花鳳笛
玻杯剪刀綺牕八賦會太真寵愛日隆遷於上陽
東宮帝在花萼樓有使貢珍珠者至命封一斛賜
妃不受以詩付使者上覽詩悵然不樂命樂府以

新聲度之號一斛珠

近體詩

謝賜珍珠

桂葉雙眉久不描
殘粧和淚濕紅綃
長門盡日無梳洗
何必珍珠慰寂寥

御定全唐詩錄卷一